

Banjir kilat di Loke Yew dan Bulatan Cheras

KUALA LUMPUR 27 Nov. - Keadaan jalan raya di ibu negara hari ini sesak teruk ekoran banjir kilat di Jalan Loke Yew menghala ke Pusat Perubatan Universiti Kebangsaan Malaysia (PPUKM) serta Jalan Lingkaran Tengah 2 (JLT2) berhampiran bulatan Cheras petang ini.

Penolong Pengarah Bahagian Operasi, Jabatan Bomba dan Penyelamat Kuala Lumpur, Azizan Ismail berkata, pihaknya menerima laporan tentang kejadian tersebut pada pukul 6 petang.

"Dua buah jentera dari Balai Bomba dan Penyelamat Tun Razak dan Jalan Hang Tuah dihantar ke lokasi sebagai bantuan dan memantau keadaan," katanya ketika dihubungi di sini.

Sementara itu, Pegawai Turus Siasatan dan Perundangan Trafik Kuala Lumpur, Deputy Supritendan Abdullah Roning ketika dihubungi berkata, keadaan terkawal dan tiada kejadian yang tidak diinginkan berlaku.